

Rumantsch grischun resta en discussiun

■ (mc) **La proposta da la renga e la decisiun dal cussegl grond d'edir a partir da 2005 mo pli meds didactics en rumantsch grischun ha evocà dicussiuns vivas e cuntraversas davart questa lingua da standard.** La Quotidiana ha avrì ses forum da discussiun per adherents ed adversaris dal rumantsch grischun. Vegnids a pled èn era represchentants da la magistraglia. Era en LQ dad oz vegnan pliras personas a pled.

Questa saira ha lieu en l'aula da la chasa da scola a Glion

ina saira da d'infurmaziun e discussiun davart l'introducziun dal rumantsch grischun en scola. Da la partida èn era il schef dal departament da educaziun, cultura ed ambient, cusseglier guvernativ *Claudio Lardi* e represchentants da las uniuns rumantschas e da las conferenzas scolasticas. Questa «arena» davart il rumantsch grischun è vegnida organisada sin iniziativa da la grupp da deputads sursilvans.